

Službene novine Federacije BiH, broj 35/13

Na osnovu člana 43. stav 1. tačka 5., u vezi sa članom 45. Zakona o zdravstvenoj ispravnosti životnih namirnica i predmeta opće upotrebe ("Službeni list R BiH", broj 2/92 i 13/94), koji se u skladu sa članom IX 5. (1) Ustava Federacije Bosne i Hercegovine primjenjuje kao federalni zakon, federalni ministar zdravstva donosi

PRAVILNIK

O IZMJENI PRAVILNIKA O UVJETIMA U POGLEDU ZDRAVSTVENE ISPRAVNOSTI PREDMETA OPĆE UPOTREBE KOJI SE MOGU STAVLJATI U PROMET

Član 1.

U Pravilniku o uvjetima u pogledu zdravstvene ispravnosti predmeta opće upotrebe koji se mogu stavljati u promet ("Službeni list R BiH", br. 2/92 i 13/94 i "Službene novine Federacije BiH", broj 36/05), u članu 115a. stav 6. mijenja se i glasi:

"Ministar zdravstva imenuje Komisiju iz stava 4. ovog člana na period od četiri godine rješenjem kojim utvrđuje djelokrug rada, kao i visinu naknade za rad članovima Komisije."

Iza stava 6. dodaju se novi st. 7, 8, 9. i 10, koji glase:

"Komisija broji šest članova iz reda istaknutih stručnjaka iz oblasti javnog zdravstva, farmacije i dermatologije, uključujući i sekretara.

Pet članova Komisije se biraju iz reda zdravstvenih radnika i zdravstvenih saradnika za predmetne oblasti, a uvjeti koje moraju ispunjavati su sljedeći:

- najmanje deset godina radnog staža u struci,
- praktičan doprinos u unapređenju sistema zdravstvene zaštite, posebno u predmetnoj oblasti,
- učešće u radu stručnih sastanaka, simpozija i kongresa iz oblasti svog rada u zemlji i inostranstvu,
- da imaju uspješne rezultate na stručnom usavršavanju zdravstvenih radnika, u pravilu iz predmetnih oblasti.

Članovi Komisije iz stava 8. ovog člana se biraju na prijedlog institucija koje u svom djelokrugu rada obavljaju poslove iz oblasti stručnog usavršavanja, i to farmacije (farmaceutski fakulteti), dermatologije (dermatološke klinike kliničkih centara) i javnog zdravstva (Zavod za javno zdravstvo Federacije Bosne i Hercegovine), kontrole ispravnosti dodataka prehrani i drugih pripravaka (Federalna uprava za inspekcijske poslove - sanitarna inspekcija), kao i iz reda uposlenika Federalnog ministarstva zdravstva, a na prijedlog Ministra zdravstva, koji u okviru svojih radnih mjesta obavljaju poslove vezane za oblast javnog zdravstva i farmacije.

Za sekretara Komisije, na prijedlog Zavoda za javno zdravstvo Federacije Bosne i Hercegovine, imenuje se osoba sa završenim pravnim fakultetom, sa zadatkom obavljanja korespondencije sa podnositeljima zahtjeva za uvoz i/ili stavljanje u promet kozmetike s posebnom namjenom u cilju kompletiranja zahtjeva, kao i pripreme i izrade rješenja."

Dosadašnji st. 7. i 8. postaju st. 11. i 12.

Član 2.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-2219/13
17. aprila 2013. godine
Sarajevo

Ministar
Prof. dr. **Rusmir Mesihović**, s. r.